

# PATUHI SOP PKPB, ELAK JANGKITAN



**Bersama Hentikan Wabak Covid-19**

Oleh Johari Ibrahim  
johib@bh.com.my

**Putrajaya:** Pelaksanaan Perintah Kawalan Pergerakan Bersyarat (PKPB) di Selangor, Kuala Lumpur, Putrajaya dan Sabah sehingga 27 Oktober ini dilaksanakan bagi mengekang penularan COVID-19 di kawasan berkenaan.

Bagaimanapun, hampir semua sektor ekonomi termasuk kedai makan dan perkhidmatan masih dibenarkan beroperasi dalam tempoh tertentu dengan mengikut prosedur operasi standard (SOP) yang ketat.

Penting bagi semua penduduk di kawasan berkenaan mematuhi SOP sepenuhnya bagi membendung penularan COVID-19 gelombang ketiga di kawasan masing-masing.

PKPB kali ini hanya membatalkan Selangor, Kuala Lumpur, Putrajaya dan Sabah bagi membendung penularan COVID-19 sehingga 27 Oktober ini yang kemudian akan bergantung kepada penilaian Kementerian Kesihatan sama ada diteruskan atau sebaliknyanya.

MKN juga menyarankan pekerja dari zon merah yang perlu datang ke pejabat supaya melakukan ujian calitan COVID-19.

Walaupun sebahagian kakitangan awam mula bekerja dari rumah, sistem penyampaian kerajaan tidak akan terjejas.

Ketua Pengarah Perkhidmatan Awam, Tan Sri Mohd Khairul Aidi Abd Rahman, berkata hanya 30 peratus daripada jumlah maksimum pegawai perkhidmatan awam Persekutuan, dibenarkan berada di pejabat bermula semalam sehingga tamat tempoh PKPB.

Katanya, peraturan itu terpakai untuk negeri yang berada dalam PKPB iaitu Kuala Lumpur dan Labuan, Selangor, Putrajaya serta Sabah.

Beliau berkata, dengan jumlah kehadiran sebanyak 30 peratus itu, ketua jabatan juga harus memastikan perkhidmatan asas agensi tidak terjejas dan berterusan dapat

dicapai oleh pelanggan berdasarkan Piagam Pelanggan Kementerian, jabatan atau agensi masing-masing.

Ketua Pengarah Kesihatan, Tan Sri Dr Noor Hisham Abdullah, berkata pelaksanaan PKPB yang memasuki minggu kedua, menunjukkan penurunan kadar kebolehhajangan di Sabah dan Selangor.

Namun, ia masih belum mencukupi dan banyak lagi perlu dilakukan bagi memastikan kadar kebolehhajangan itu dikurangkan hingga bawah 1.

Beliau berkata, kadar kebolehhajangan sebelum PKPB dilaksanakan adalah pada 2.2 dan kini turun ke 1.5.

"Jadi apa yang akan kita lakukan? Kita masih menggunakan strategi PKPB tetapi di beberapa kawasan yang kita lihat mempunyai banyak kes seperti di Semporna, kita boleh melaksanakan Perintah Kawalan Pergerakan Diperketatkan Bersasar (PKPD) dan kita lakukan ujian calitan kepada semua orang.

Dr Noor Hisham berkata, di Selangor saja, kadar kebolehhajangan sebelum PKPB dilaksanakan pada 1.98 dan kini ia antara 1.48 dan 1.5. Beliau berkata, keputusan untuk menjalankan PKPB dibuat kerana ada keperluan untuk mengimbangkan antara nyawa dan kehidupan.

Sejak wabak COVID-19 mula menyerang dunia, termasuk Malaysia pada Februari lalu, kakitangan barisan hadapan seperti doktor, jururawat, polis, anggota tentera dan petugas am kesihatan bertungkus-lumus tanpa mengira tenaga membendung pandemik itu.

Kerajaan pula menerusi MKN menggubal pelbagai dasar dan tindakan seperti mewujudkan undang-undang dan SOP, melaksanakan Perintah Kawalan Pergerakan (PKP) kemudian PKPB, PKP Diperketatkan dan PKP Pemulihan.

Kini, tugas barisan hadapan itu perlu ditanggung bersama oleh semua anggota masyarakat dengan mematuhi SOP yang ditetapkan terutama berkaitan dengan pemakaian pelitup muka di tempat awam, kerap membersihkan tangan, jangan keluar rumah jika tiada urusan penting dan mengamalkan etika batuk dan bersin bagi mengekang jangkitan.

**Keputusan untuk menjalankan PKPB dibuat kerana ada keperluan untuk mengimbangkan antara nyawa dan kehidupan.**

Dr Noor Hisham Abdullah,  
Ketua Pengarah Kesihatan



## SOP KETIKA PKPB DI SELANGOR, KUALA LUMPUR, PUTRAJAYA DAN SABAH

### AKTIVITI TIDAK DIBENARKAN

- Keluar masuk atau rentas daerah.
- Pekerja yang perlu rentas daerah kena tunjuk pas kerja / surat kebenaran majikan.
- Bas ekspres dan berhenti-henti **(SABAH SAHAJA)**



- Pembukaan masjid, surau, rumah ibadat bukan Islam.
- Solat Jumaat dan fardu di masjid, surau tidak dibenarkan di Selangor.




- Aktiviti sukan, rekreasi, sosial dan budaya, termasuk majlis kahwin, pertunangan.
- Majlis rasmi/tidak rasmi kerajaan/swasta, majlis sosial seperti kenduri, majlis perkahwinan, pertunangan, majlis aqiqah, doa selamat, tahill, sambutan ulang tahun, sambutan hari kelahiran, reunion.



- Aktiviti hiburan dan budaya, taman tema, rekreasi.
- Aktiviti di kawasan tertutup (indoor), berkelah, aktiviti kolam renang, aktiviti bersentuhan fizikal/ sukan tempur, aktiviti perlawanan bagi sukan berpasukan dan aktiviti penganjuran kejohanan / pertandingan.
- Acara, pertandingan sukan dengan kehadiran penonton, acara dan pertandingan sukan yang melibatkan peserta dari luar negeri.
- Operasi pusat hiburan dan kelab malam.



- Semua sekolah, IPT, institut latihan, tadika, taska, pusat tahfiz, taman awam dan pusat rekreasi.



- Pelancongan ke luar dan ke dalam kawasan PKPB, luar dan dalam negeri.

- Seminar/bengkel/kursus/latihan/persidangan/ceramah/pameran.
- Mesyuarat bersemuka tidak digalakkan, hanya sidang video.




### AKTIVITI DIBENARKAN



- Hanya 2 orang dari sebuah rumah keluar beli barangan keperluan.
- Semua kegiatan ekonomi, industri dan perkilangan di Selangor, Kuala Lumpur, Putrajaya dan Sabah.



- Pasar raya, pusat beli-belah dan kedai runcit.
- Restoran, kedai/gerai makan, kenderaan bersaji (food truck), penjaja tepi jalan, penjaja beredar, medan selera/pusat penjaja, gerai makan tepi jalan/kiosk, kedai runcit dan kedai serbaneka dibenarkan antara jam



- **6 PAGI HINGGA 10 MALAM**
- Makan di kedai terhadap kepada **4 ORANG 1 MEJA** mengikut SOP ditetapkan.



- Pasar harian **6 PAGI HINGGA 2 PETANG**
- Pasar borong **4 PAGI HINGGA 2 PETANG**
- Pasar tani **6 PAGI HINGGA 12 TGH HARI**
- Pasar malam **4 PETANG HINGGA 10 MALAM**

- Stesen minyak antara **6 PAGI HINGGA 10 MALAM** (lebuhraya 24 jam)



- Farmasi/kedai ubat **8 PAGI - 11 MALAM**  
**6 PAGI - 6 PETANG** (Sabah sahaja)
- Klinik, hospital kerajaan, swasta **24 JAM**



- Gimnasium
- Futsal/padang bola komersial **MAKSIMUM 10 ORANG**






- Aktiviti dan perkhidmatan di semua lapangan terbang.
- Pengangkutan awam seperti bas henti-henti, bas ekspres, LRT/ MRT/ ERL/ Monorel dan teksi/ e-hailing.



- Kes kecemasan seperti sakit dan pengurusan jenazah di luar daerah perlu memohon kebenaran polis.
- Individu berasal dari kawasan PKPB dibenarkan pulang ke kawasan dengan kebenaran polis.
- Aktiviti lain yang tidak termasuk dalam senarai tidak dibenarkan.

- Solat Jumaat di Kuala Lumpur dan Putrajaya tidak melebihi **50 JEMAAH**
- Solat fardu maksimum **20 JEMAAH**



Maklumat lanjut, sila imbas kod QR